

SIAYĒKEMACA SIABAI KĒOJĒNA KAYAYE KUI’NE JĒNA, PAIYE KAWESOSE’EPI SIAYE TUTU PAYE JAI TSUTSUPĒA OMETĒKANA

NUÑEREPA SIA’WE’ŊA CAHUESOSE’E MAI PAI KĒKOPAYE

Kaya jĕňa kou Kĕna ometĕkawĕ sia’we’ňa sewojĕ kui’ne canĕowĕ si’aye pai paija’ňe tutukĕ’ye, iti kĕaye kato pai’ji iye ñese saieoni. Icona tsoe paikona ñajĕ, jaipai tsi’sisito kakua’i seňĕ iti toyapĕpĕ kĕawesojĕ’ĕ sia’we’ňa, jamaka ñasiko paija’kore siapai, kui’ne kĕajĕ paija’cua’ire toyaja’o ye’yewe’ňaje, yeke pa’yea’ĕ kajĕ ñaňeje peoye i_wa’i kuasajĕ nese’e yekĕ yeja pai.

Ja’a wĕoko

Kase’epi de’oye, kone kui’ne jeoňe payĕ jaje, sia’we’ňa ñase’erepare sa’ nawĕ payĕ sia’yĕ’kĕ maka tutu, kui’ne sioma’ñerepare sia’pai tsĕkapĕ pai’ye.

Jaje paikĕta’a kuasayĕ ñama’ayepi kui’ne oima’ayepi, pa’iji sia’paire, japi ai jaiye ñese saniwesĕji pai pa’ijĕ kuasaye, kui’ne aijerepa kawesose’pi, jaje pa’ina kokase’e kayĕ de’oye pa’iye kui’ne de’oye pa’iyĕ kuasajĕ sewoye.

Jaje paise’re yure kato ñasikua’irepa kui’ne kĕkopakua’i pa’iye pa’iji, kua’ye pa’ise’e jeoni paimakata’a pa’iye pa’iji nejo ma’kua’i.

Jamakata’ă ñese de’oyerepa ñese saiĕ siwajĕ kui’ne pa’iyĕ yekĕwe’ňa ñasikua’irepa.

Yekĕwe’ňa yejaňa kato de’oyerepa kuasani kuinaoni kanĕowesĕwĕ. Toya ja’wana pai tutukĕiwa’i paija’ne, de’oyerepa kui’ne iwa’irepa’ĕ kajĕ, si’ayĕkĕmaka ĕmĕowa’i kui’ne nomiowa’ije koni, tsoe jaje pa’ina jeowesowĕ ai jai kore, de’oye pa’iyerepare kasikua.

Iye kuasaye cato sewosikua kadĕowesĕja’core, oiyerepapi si’aye kuasajĕ, tsi’sisikua’ija’re kawesĕ ja’ňe, si’aye oiye kui’ne tutukĕ’yerepa pa’ija’ňe jamakata’a kuade’oye pa’iye pa’iji pal.

Iye kato kuasase’ea’ĕ si’aye tutupa’iye, jaje pa’ina iye kato ai de’oyerepa’ĕ iti ñese saija’ňere kuasajĕ sewowesĕse’ea’ĕ.

Tsi’sini jai pai koka kako

Jĕaye kawesoyĕ yure

Si’aye pai tutu pa’iye kĕawesosikua, ikore kato si’a daripĕa kui’ne jaiwe’ňaje nesaoye pa’iji, te’owa’imaňaje kui’ne kua’me kokaiwe’ňamaňaje, ñese saye pa’iji de’oye kajĕ, jamakata’a si’adaripĕa pa’iye pa’iji de’oye kui’ne yeja pa’iye conj kĕkojĕ.

Te’o ako kĕaye.

Si’apai aide’oyĕ kua’ye peoye kui’ne siayĕ’kĕ maka pa’iye kui’ne tutupaye koni, jaje kuasase’sĕtepi kuaju’i’ne peoye ñese saiye pa’iji kokaijĕ yekĕ paireje.

Kayaye ako kĕaye

Si’a pai payĕ tutu kui’ne kua’ye peoye yure ikore ai jĕaye kawesosido’ire, jaje pa’ina ñaňe peoji yekĕ paiňa’ĕ kajĕ, iyeje pa’yere, pai, koka, iowa’i pa’iye, kuasaye, pani iyese’e kayepaňĕ kuasia’ye pa’ye, kuri pa’ye, aideo’ye kui’ne kuasi’aye pa’iye.

Kui’ne yekeje pajakua’ia’ĕ kaye yeke iwa’i kuasayepi iyea’ĕ kajĕ aijaidaripĕa sia’we’ňaje paniye yeja paiňeje iti paipi kuasajĕ neňe pa’iji, jai daripĕa kaye kato te’owaise’re kaňeje pa’yea’ĕ, iwa’ise’e kuasayepi neĕĕ.

Toasoňe ako kĕaye.

Teo’wa’ije payĕ de’oye tutu pa’iye, kua’ye peoyeje koni, kui’ne kĕcojĕ pai pa’iye.

Kajese’e ako kĕaye.

Si’awa’i pa’iye peoji kua’ye jĕaye pa’ye kajĕ, kui’ne kua’ye yo’okuaňuňeje peoji, iye kato ĕsese’ea’ĕ sia’ye pa’ye.

Te’jĕtĕ ako kĕaye.

Jare si’apai kua’ye yo’okuaňoňe tipeoji, tĕ’caye, tseañe, wanijeañe paniye ai kuaye pa’ye.

Te’e jĕtĕ Ĕjatupĕ kĕako.

Si’apai payĕ tutu, sia’we’ňa kui’ne ñakuaňuňeje pa’iji pai karepase’e pa’iye.

Ĕjatupĕ kĕnope.

Si’apai pa’iyĕ sia’yĕ’kĕmaca kui’ne payĕ yekua’ia’ĕ kaye peoye, jaje pa’ina Si’awa’i payĕ tutu karepaye akĕpai kĕ’ro. Jaje pa’ina mai tutu payepi de’oye pa’iyepa’iji, tsoe ikore kawesosidoipi kokaiji kua’ye kaye peoye pa’ija’ňe.

Kayaye te’ejĕtĕ ako kĕaye.

Si’a pai tutu payĕ de’oye pa’iyere kuasajĕ yekĕwe’ňa saňupe kajĕ, mai kase’pi kokaijakĕ kua’ye yo’oma’kuai’ni kajĕ mai tutu kĕ’ye paiye, jeje paina maire toyapĕpĕpi kakorepa pa’ijakĕ.

Te’e jĕňa Ĕjatupĕ peoye kĕako.

Jare peoji mal tsea kuaňuňe.

Kaya jĕňa ako kĕako.

Si’a pai payĕ deoye paiye, si’ayĕ’kĕmaka paiye, jamakata’a sia’we’ňa asasaoye pa’iji kui’ne oirepayepi kua’ye paise’eje carojaiye pa’iji kui’ne kuaňeňe paiji neňaňe paiji kuasia’ye pa’ye iti kase’e sa’ňe pa’iye.

Kayajĕňa te’o ako kĕako

Si’a pai kua’ye yo’o sikua’i payĕ tutu iwa’i yo’ose’e jayuta’a iti ñati’añe pa’iji do’ikĕ’ye, iti kase’je paiye, kui’ne kaye paiji sia’we’ňa jamaka kase’repa pa’iji tutu pa’ye.

Si’a pal peoji kua’ye paye painije siokuaňuňe ja yuta’a ñati’ama’maka kato, jaje pa’iji tutu pa’ye yekĕ daripĕa paiyeje. Jaje paina peoji maipi caye de’oye nede’waĕ’ĕje pa’yere aijerepa kua’yena saiye peoye.

Kaya jĕňò kayaye ako kĕaye.

Mai teowa’i paiye kato peoji kaye kua’maňa’ĕ kajĕ ñese kaye, mai tsĕkapĕreje, mai paiwe’ňaje paniye ise’e pa’ito peoji kua’aye neňeje peoji ipi kuasakĕ pa’iye. Jaje pa’ina si’a pai payĕ de’oye pa’iye, jaje paina nejo jeoňe paiji kua’ye paise’e.

Kaya jĕňa kayaye te’o kako kĕaye.

Si’ a pai payĕ deoye daoye sia’we’ňa kui’neje yeja pĕaňeje koni.

Si’ a pai payĕ tutu kuasi’adaripĕa, ipaidaripĕ, jaje saisikĕre ta’a ko’iye pa’iji i mai daripĕna.

Kaya jĕňa Ĕjatupĕ peoko ako kĕaye.

Kue’kua’i pa’ito, sia’pai payĕ tutu kĕ’ye payĕ katiye paiji kuasia’yejaňa, jamaka siwajĕ pa’iye pai’ji iti ku’ase’e.

Iye pa’ye kato peoji sa’ňe kua’ye neňe, kua’ye payena, paniye sa’ňe kayeje peoji yekĕ jaiwe’ňa pai yejaňa’ĕ kajĕ.

Kaya jĕňa yekĕ jĕtĕ ako kĕaye.

Si’ a paije tutu payĕ pai paiyerepa

Jare peoji ĕseye i pa’iwe’ňa yeja akĕre, yekeje tipeoji kaye yĕkĕ pa’iňeje paijĕ’ĕ kajĕ.

Kaya jēna yekē jētē te’o ako kēaye.

Ēmēowa’i kui’ne nomiowa’i, jayuta’a ēañawēomakapi tsoe payē tutu, kaye peoji kaje paina’ē, iti pai’ē kajē wejaye, jamaka wejani siwajē pa’iye pa’iji kuineje pa’iji jeokoni de’oye pa’iye itibi jaje pa’ito.

Iwa’ise’e kuasajē kui’ne ējēpaija’kēpi kuasani wejaye pa’iji.

Paĩtsēkapē Kato de’oye paiyere’pa’ē jaje paina ñacairepayē sia’we’ña akē pa’ije.

Kaya jēna yekē jētēkayaye ako kēaye.

Si’a pai payē tutu pa’iye yeja, te’iwa’i kui’ne si’apai de’otsēcapēa.

Jare peoji yē’ē tsekua yeja kajē ēseye.

Kaya jēna yekē jētēkayaye te’o ako kēaye

Si’apai payē iwa’ise’e kuasaye, iwa’i paiye, iye Kato pa’iji si’aye nedewaye iti sewoye, kui’ne koka kaye kuasia’ye sia’we’ña paiwe’ñana, panije te’owa’ise’e pa’iwe’ñaje koni, iti ye’yayepi, neñañepi, sewoyepi kui’ne ñsaoyepi, iyepi pa’iji maire de’oye saye.

Kaya jēna yekē nēkayo beoko ako kēaye.

Te’owa’ije de’oye payē iwa’ise’e kuasaye kui’ne koka kayeje, iyepi tsi’siji kua’ye pa’ije, josa kakuañujē paima’ñe kui’ne japi kawesorepaye pa’iji, yekeje kaye peoji ikoja’a pa’iji kaye, iyese’e kaye paji, kuasi’aye de’oye saija’ñere.

Jēna-nēkañua

Si’awa’i te’owaise’e tsi’sini koka kaye payē kuasia’hue’ña.

Jare peoji kuañeñe yekē tsēkapēna tsioni paiye.

Jēna-nēkañua – te’o

Si’a pai payē tsiojaiye mai akērepa kē’ro, ikē’rorepana te’repapi panije yekē paija’re koni iti ñakēja’re.

Si’a pai tutupayē si’ayēkēmaka paiye kua’me nedojaye mai paiwe’ña yeja.

Itidaripēa paikua’i kato payē sia’we’ña akua’i kayere, iye kato kokaiji kaji mai ējaēwa’irepare mēojē saiye, iti mēoñe kato neñē yawese’re, japi kokaiji de’oye karepayepi mēose’e.

Jēna-nēkañua kayaye

Si’a pai, ititsēkapēje paiwa’i payē kadēose’repere kuasi’aye kui’ne jaje pa’ina si’a akēpai kokaiye paiji, ja tutu do’ire kuasajē, jaje pa’ina tsoe kuasase’pi kuri pa’iye, kuasi’aye kui’ne maipaiye, iye kato mai kuasayepi nesaøjē paiye paiji sia’yēkē maca pa’yepi .

Jēna-nēkañua toasoñe

Si’a pai payē kua’me nedojaiye kuasia’we’ña, iwa’i yēyepi tia’ñe paiji kua’meneñe, jaje paikēreta’a si’ayē’kēmaka paipi, jaje paina kua’ju’iñe peoye kua’me newe’ña tra’ni, nejē pai’ye baiji, peokua’i pa’iye peoji.

Si’a pai payē kui’ne pa’ye tutu, jaje pa’ina kui’ne ja’ñe kua’meneñe ti’añe pa’iji.

Si’a pai kua’me neñe tutu payē kui’ne ja’ñe pa’yē, jaje pa’ido’irekui’ne ja’ñe kuri neñepa’iji, nede’huase’e pa’ina de’oye mai tsēcapēje deo’ye kuasajē baija’ñe, io paire kañeje paiye, yekebi karasiko pa’ito neti’añe pa’iji.

Si’a pai payē tutu iwai’pi kuasajē tsi’sini neñe, iwa’i yēyere.

Jēna-nēkañua Kajese’e

Si’a pai payē tutu kua pēawajējē pa’iye, siwajē pa’iye ioja’ye kua’mene’ ometēkawē ti’a’seja’ye kui’ne iye pa’iye kato sa’ñeñe pa’iji.

Jēna-nēkañua jētēna

Si’a pai payē mai paiye kadēose’repere, iye pa’yere, mai pai, jujukaiwe’ña kui’ne de’oye paiye sia’ye, aq aiñe, kaña ju’iye, wē’ña pa’iye, juikua’ire jujukaiye kui’ne kuasia’ye, yeke payē kui’ne pa’ye kua’me newe’ña paiwe’ña peoye, juidawē, do’ima’pai, aipē maña, iyese’e paiyeje pani kuasia’ye iwa’i te’owa’i pa’iñeje pa’ye.

Kui’neje pa’ye ētapē kēiwa’i kui’ne tsi mana payē tutu de’oye kokaiyere. Si’a tsi wejani aidewasicoa’i panije kua aide’wakua’nusikua’i payē kui’ne pa’i tuture.

Jēna-nēkañua jētēna te’o

Si’apai payē kui’neja’ñe totyaja’o ye’yeye. Toyaja’o ye’yeye kato peoji doiyē ja’a ye’yehuēje pa’ye kato. Ja’a ye’yewēoye kato ai kuañeñe paijija’kua. Kui’ne totyaja’o nekaikua’repere kato ai jaiye nesaose’e pa’ijakua, kui’ne aijerepa aye toyaja’o ye’yeye kato’ kui’ne paiji sia’waire, iq ai do’iko do’ire.

Toyaja’o ye’yeye kato mai pai de’oyerepa pa’ija’ñea’ē, jaje paina toyaja’o kato itirepa’ē sia’we’ña mai kua’ju’ijē pa’iye, de’oye pa’iyē kajē, paire sa’ñe oijē koka kaye, japi pa’ina maiñese saiye pa’iji, siwajē.

Pēkaja’kēpi ñani tseañe paiji toyaja’o ye’yeye i mamakēre kokaiyere kuasani.

Jēna-nēkañua jētēna kayaye

Mai aipē ukujē paise’e sia paije payē ukuye mai pa’idaripēakē’ro, siwajē mai tsea’ē kuasajē kui’ne tideo’ye paito tia’ñepa’iji.

Si’a pai payē iwa’i yēyepi toyaja’o nesaoye, iwa’i kuasayepi, netijini jaiye toypapēa etosaoye, jaje paita’are te’owa’ise’e paye pa’iji iti toypapē akē.

Jēna-nēkañua jētēna- toasone.

Iye maire carepawesose’e kato si’a pai tutu paye pa’iji yekē yejaña kē’roje ñase’repa, jaje paina itirepa pa’iye paiji iye.

Jēna-nēkañua jētēna kajese’e

Si’a pai payē maire kuañese’e mai pa’idaripē kē’ro, maipi de’oye nejē de’oye neto saji mai paiye.

Iye neñañekato mai kēkopayea’ē kui’ne siwajē paiye, kato sia’pai paija’kua’ia’ē toypapē akēpai kase’pi, itikato kanēose’re maire kokaija’ñere kui’ne oiye paise’e, kui’ne kuañeñe paiji iti mai kuasayese’e, kui’ne de’oye paiyére kajē sia’we’ña mai yēye pa’yere.

Iye tutukē’ye kato peoji yekua’ipi dekakaiye iti paiye kui’ne iti tsoe yekēwe’ñaje kase’e pa’ito.

Jēna-nēkañua jētēna.

Jare iye kawesosikore jare peoji yekē paipi iwa’i kuasayepi dani nejē neño’o kajē nedojaye, paije te’e pai dani iye kato akēpai tsea’ē kajē kuasia’ye nedojaiye peoji, iye kato tsoe kawesosikore.